



Broj: 05 – 1 – 368/06

Datum: 13.11.2006. godine

Komisija za papire od vrijednosti Brčko distrikta BiH, rješavajući po zahtjevu emitenta: "BIMAL" dioničko društvo za proizvodnju ulja Brčko na osnovu člana 18. i člana 65. Zakona o papirima od vrijednosti ("Službeni glasnik Brčko distrikta BiH", broj: 15/03, 27/04 i 42/04) u skladu sa odredbama Pravilnika o uvjetima i postupku emisije papira od vrijednosti ("Službeni glasnik Brčko distrikta BiH", broj: 20/04) i odredbama Uputstva o uslovima emisije papira od vrijednosti uz skraćeni prospekt ("Službeni glasnik Brčko distrikta BiH", broj: 26/06), na svojoj 16. (šesnaestoj) sjednici održanoj dana 13.11.2006. godine, *donijela je*:

Rješenje

o odobrenju emisije dionica zatvorenom ponudom emitentu «BIMAL» d.d. Brčko

1. Odobrava se VI (šesta) emisija dionica zatvorenom ponudom ulozima u novcu emitentu Dioničko društvo za proizvodnju ulja «BIMAL» Brčko po osnovu zahtjeva za odobrenje emisije zatvorenom ponudom na osnovu odluke o povećanju osnovnog kapitala emitovanjem novih dionica zatvorenom ponudom ulozima u novcu broj:GD 6/06 od 30.05.2006.godine i potvrđuje da je emitent postupio u skladu sa odredbama Zakona o papirima od vrijednosti, pravilnika i uputstava Komisije.
2. Dioničko društvo za proizvodnju ulja «BIMAL» Brčko emituje novih 488.957 običnih dionica, nominalne vrijednosti 10,00 KM po jednoj dionici VI (šestom) emisijom dionica zatvorenom ponudom ulozima u novcu.
3. Skraćeni prospekt VI (šeste) emisije dionica zatvorenom ponudom ulozima u novcu emitenta Dioničko društvo za proizvodnju ulja «BIMAL» Brčko sadrži sve elemente utvrđene zakonom i uputstvom Komisije.
4. Obavezuje se emitent da ubuduće korporativne radnje obavlja hronološkim redom i u rokovima određenim zakonom i aktima Komisije.
5. Ovo rješenje je konačano.

Obrazloženje

Po osnovu zahtjeva ZEHOV-ZP emitenta „Bimal“ d.d. Brčko za odobrenjem nove VI (šeste) emisije dionica zatvorenom ponudom ulozima u novcu i dostavljene dokumentacije: odluke broj:GD6/06 od 30.05.2006.godine i ispravke odluke broj:GD 48/06; zapisnika sa skupštine dioničara „Bimal“ d.d. Brčko od 30.05.2006.godine i ispravke zapisnika (04.09.2006.godine); ugovora sa Raiffeisen bank d.d. Bosna i Hercegovina, Sarajevo radi obavljanja depozitarskih poslova broj:C/62/06-3/2-4 od 02.11.2006.godine; izvještaja ovlaštenog revizora („Revizija AdRa“ d.o.o. Brčko);

prospekta hartija od vrijednosti „Bimal“ d.d.; potvrde o aktivnosti transakcijskog računa kod Raiffeisen bank d.d. BiH; bilansa stanja i bilansa uspjeha za godine: 2003., 2004., 2005.; finansijskog izvještaja i odgovarajućeg izvještaja ovlaštenog revizora za godine koje su završile 31.decembra 2003. i 2002.; finansijskog izvještaja i odgovarajućeg izvještaja ovlaštenog revizora za godine koje su završile 31.decembra 2004. i 2003.; finansijskog izvještaja i odgovarajućeg izvještaja ovlaštenog revizora za godinu koja je završila 31.12.2005.godine; rješenja o registraciji unaprijed poznatog kupca emisije dionica; dokaza o uplati propisane naknade Komisiji; a u skladu sa članom 18. i 65. Zakona o papirima od vrijednosti i odredaba Uputstva o uslovima emisije papira od vrijednosti uz skraćeni prospekt broj:05-02-4-222/2006 zauzet je stav kako je navedeno u dispozitivu rješenja i utvrđeno je da skraćeni prospekt sadrži sve elemente određene zakonom i uputstvom Komisije.

Uvidom u dosadašnji tok postupka i dostavljenu dokumentaciju može se vidjeti da emitent nije poštovao hronologiju događaja, te da je kasnio sa podnošenjem zahtjeva; zatim da su dokumentacija i isprave imale formalnih nedostataka, a često je potrebnu dokumentaciju dostavljao tek po zahtjevu i na traženje Komisije. Na osnovu navedenih aktivnosti Komisije emitent je postupao po nalogima Komisije i dostavljao traženu dokumentaciju i otklanjao nedostatke u dostavljenoj dokumentaciji.

Iz dostavljenih akata, dokumenata i isprava Komisija je utvrdila da je emitent postupio u skladu s članovima 9.,10., 11., 12., 13. i 14. Zakona o papirima od vrijednosti i odredbama Uputstva o uslovima emisije papira od vrijednosti uz skraćeni prospekt broj:05-02-4-222/2006, čime su se stekli uslovi da Komisija odobri emisiju novih dionica emitenta, kako je navedeno u dispozitivu rješenja.

Šestom (VI) emisijom dionica zatvorenom ponudom ulozima u novcu Dioničko društvo za proizvodnju ulja «BIMAL» Brčko emituje novih 488.957 običnih dionica, nominalne vrijednosti 10,00 KM po jednoj dionici.

Tačka 4. dispozitiva rješenja zasniva se na članu 60. Zakona o papirima od vrijednosti, po kome su upravni akti Komisije konačni.

Pouka o pravnom lijeku:

Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Predsjednik
Komisije za papire od vrijednosti
Brčko distrikta BiH

Mirsad Bešliagić, dipl.ecc

Dostavljeno:

1. "BIMAL" d.d. Brčko,
2. Evidenciji,
3. Arhivi.